

## 中年級組（8~10 歲）

雨霖鈴-寒蟬淒切（宋詞）

作者：（宋代）柳永

寒蟬淒切，對長亭晚，驟雨初歇。  
都門帳飲無緒，留戀處，蘭舟催發。  
執手相看淚眼，竟無語凝噎。  
念去去，千里煙波，  
暮靄沉沉楚天闊。

多情自古傷離別，  
更那堪冷落清秋節。  
今宵酒醒何處？  
楊柳岸，曉風殘月。  
此去經年，應是良辰好景虛設。  
便縱有千種風情，更與何人說！